



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

3 Maji. 5 Nonas Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

mane, & Cælestine, multa passi, & in carcere extincti, Martyres.

Sancta domus, Exuperi, & Zoë conjuges, Cyriace, & Theodulifilii, omnes MM.

S. Felix Diacone Martyr.

S. Secunde Episc.

S. Vindemialis Episc. doctrinâ, & miraculis contra hæreticos clare, ideóque capite obtruncate.

OMNES SANCTI, &c. pag. 320.

S. MARIA, quæ S. Antonino morienti præsens, ab illo illis verbis est salutata: Sancta, & immaculata Virginitas, quibus te laudibus efferam nescio. Doce me, quibus laudibus laudem te, quo corde amem te, ut in morte juves me!

S. MARIA, à miraculis dicta Panormi, ob miraculorum frequentiam. O Mater admirabilis, sim ego unum è miraculis misericordia tua! fac me è tepido flagrantem amore Dei, ac tui, idque perseveranter usque in finem!

3 Maji. 5 Nonas Maji.

CRUCIFIXE JESU, da, ut inventa hodie, dejecto infami Veneris stabulo, salutis meæ tessera, tua
Cruce,

Crux, ita mihi sit in salutem, ut sicut illa tibi, pro me morienti, mortualis lectulus fuit; ita tu mihi, seu in lecto, seu alibi, morienti, æterno solatio sis: & quia illam ideo, ut me invenires, conscendisti; ne, quæso, me amplius à facie tuâ perire permittas; ne sim sicut ovis, quæ perit: sed sim inter inventos tuos, qui semper tecum sunt, nunquam perdendi. Amen.

S. Helena Imperatrix, quæ lignum felix, in quo Deus ipse pendit, hodie invenisti.

S. Alexander Papa, quem Angelus, facem accensam tibi præferens, postquam tecum orâsset, è carcere eduxit, & in furno ardente servavit illæsum; Tyranno verò, qui tibi, & lociis insultabat, è cælo dictum: *Quibus tu insultas, paradisus apertus est; tibi verò tartarus*: qui post multa miracula, & Martyres præmissos, equuleo, unguis, igne tortus, crebris, minutisque stimulis peremptus es.

Sancti Eventi, & Theodule, post ignes, decollati.

S. Juvenalis Episc. qui hostes oratione, & fulminibus fugâsti: in cujus calice aucta Sancta divinitus, plurimis suffecere: qui aquis in-

ambulans , tempestatem sedâsti,
navem, mercésque servâsti.

Sancti Angeli , qui Crucis effi-
giem , ad Caravacensem arçem , in
Hispaniâ, detulistis.

S. Antonina Virgo , quæ cælesti
luce , ac voce in carcere animata,
maxillis læsis flagellata, è lupanari,
mutato habitu, Angeli monitu, ab
Alexandro juvene liberata, abscef-
sis, unâ cum illo, manibus, in ignem
conjecti estis.

SS. Timothee , & Maura con-
juges , qui , post multa tormenta,
novem diebus in cruce vivi pepen-
distis ; quibus Angelus coronam
gloriæ ostendit.

SS. Diodore, & Rodopiane, à
civibus lapidati , Martyres.

S. Mechtildis, quæ cum in Sacro
de Cruce, audires: *Nos autem gloria-
ri oportet in Cruce Domini nostri Jesu
Christi, Crucis symbolum, arborem,
in templi medio, proceram, vidisti,
cujus folia sacrificiali sacerdotis ve-
sti serviebant ; fructibus verò be-
stia, homines, & aves, suavissimè
canentes, pascebantur ; id est, pec-
catores, justi, & Sancti: fumo etiam
ex arbore erumpente , ac infestos
homines & dæmones , nigrarum
avium specie, illam circumvolan-
tes,*

tes, fugante. In ramis autem arboris, *ardentium lampadum* specie, corda pendebant; arboris succo illis dante nobile alimentum. ac tunc divinitus es edocta, ut, *qui vult Deum diligere*, id quærat in cogitatione cruciatuum Christi, Cruci affixi. Appende cor meum, instar vivæ, ac alimento & igne cælesti plenæ lampadis, Cruci Christi: ut serîdò velim *Deum diligere*; idque discam à Crucifixo, qui dilexit me, & tradidit semetipsum pro me.

OMNES SANCTI, &c.

pag. 320.

S. MARIA, *qua in monte Serrato, hodie, repentiè usum unius manus, quo penitus carebat, cuidam restitisti. Tuo amori dedico manus, & cor, cogitationes, & opera mea: tu illa Filio tuo siste!*

S. MARIA, *cujus Coronationis festum hodie Bononiæ celebratur; corona me nunc, & morientem potissimum, in Dei misericordiâ, & perseverantiâ dono!*

4 Maji. 4 Nonas Maji.

S. ANCTA MONICA, *quæ & maritum, & filium convertisti: felix mater,*
cui